

NAILIAN A PANANGIKONSAGRAR TI BAGI ITI NADIOSAN A KAASI

(Malualo iti amin a Misa iti Maikadua a Domingo ti Panagungar kas sukat ti Kararag Dagiti Mamati.)

Mannangaasi unay a Jesus,
Sika ti rupa ti Kaasi ti Ama.
Iti kaasim, inawagannakami.
Intalekmo kadakami ti mision nga agbalin a mannangaasi kas iti Ama.

Sitatalek iti mangliwengliweng a taaw ti ayatmo,
ikonsagrarmi ti entero a bagimi ken
iyamangmi dagiti bagbagimi iti salinong ti naasi nga aywanmo.
Ikaysami dagiti bagbagimi iti awan pagkuranganna a datonmo,
iti timpuyog ti Espiritu Santo,
iti Ama, iti kasta kumpleto ti pannakabalbaliwmi ket agbalinkami a kalasugan ti
Kaasi ti Ama.

Kaasiannakami gapu iti panaggugubat dagiti nasion ken dagiti pammutbuteng
nga ipakatmi iti padami a tao a mangriribuk kadakuada.
Kaasiannakami gapu kadagiti basol a mangsalungasing iti kinapudno ken dagiti
basol a maibusor iti hustisia ken panagakabsat.
Kaasiannakami gapu kadagiti pannakatabbaaw ti Nudiosan a Kaasim ken dagiti
nakarririmon a pannakaang-angaw dagiti nakapuy ken napanglaw.

Tulongannakami, O Apo, tapno maisarmingmi ti Kaasim kadagiti adda iti
likmutmi. Saluadannakami a kas kukuam, tapno kadagiti tiempo a masubokkami,
saankam a maawanan ti namnama, ngem siinanama Kenka ikumitmi dagiti
bagbagimi iti nasantoan a nakemmo.

Aramatennakami kas instrumento ti panangliwliwam kadagiti padami a tao a
napukawen ti namnamada ken saanen nga agtalek iti Kaasim.
Maammoan koma ti amin a tao ti di-matukod a Kaasim,
agtalekda iti Kaasim ken idaydayawda ta Kaasim ita ken iti agnanayon.
Jesus, Ari ti Kaasi, agtalekkam Kenka.
Sika ti mangtagikua kadakami. Amen.